



Juni 7, 2017  
Tapvainak Tusagatsak

## **Nutât Ministeritsait, UKâlattisallu ilijausimavut Nunatsiavut katimajitsuangit itsivaKatigenninginni**

Nunatsiavut kavamanga nutânik maggonik MinisteriKalikKuk, ammalu nutâmik UKâlattisamik ilijausimajunik Nunatsiavukkat katimajitsuanginnut

Jim Lyall-li kivatuttituinnaujuk Nainimi, kivatunialikKuk Ministeriulluni IlikKusiliginnimi, Pinguatuliginnimi, Niuggutuliginnimilu. Tamatsumingalu suliatSaKaniilikKuk tigullugu AngajukKâmit Johannes Lampe-imit, tamatsumani kivatulaullalauttunit. Kivatuttituinnaujuk KipukKami, Tyler Edmunds-I, ilijausimavuk Ministeriunialittilugu kenaujaliginnimi, SuliaKattinik kamajiunnimi, Kagitaujaliginnimilu, ininganolluni Nunallitaniup Pivianattulittâniullu Ministeringanut Darryl Shiwak-iup, kivatuttituinnaujuk Rigolet-imi. Mr. Shiwak tamatsumunga ilijaulauttuk oma jâriup pigianningani, sulikivatuniakKuk Ministeriulluni Nunallittânimmi, Pivianattunillu.

Mr. Edmunds-i inosunnipauvuk Nunatsiavut katimajitsuanginnik ilijausimalluni Ministeriunimmut.

Tamatsumunga ilijausimannimut Ministeriugiamik, Mr. Edmunds inuKagunnaititsilaukKuk itsivannigilauttamini UKâlattitudluni Nunatsiavut katimajitsuanginni. Tamannalu pillugu, malillugu piKujagusuujuk AngajukKâmut, katimajitsuangujuut angiutiKalaukKut ilijaukKulugu kivatuttituinnaujuk Canadami, Edward Blake-Rudkowski, nutângulluni UKâlattisaunnimut.

Tamakkua ilijausimanniujuit KaujisalaukKut uvlumi Nunatsiavut katimajitsuangit itsivaKatigenninginni Hopedale-imi.

Mr. Lyall-i, AngajukKângulautsimajuk Nunatsiavummi, amma Mr. Blake-Rudkowski taimaita saimmatitaulaukKok Denistâgimi ilaliutiKatauniallillutik Nunatsiavut katimajitsuanginnut, sâlaKasimakKâdlutik annigusuttuKanningani kivatupvigijammini, takKiulauttumi.

Ammaluttauk, Ilinniatuliginnimi, kenaujatigullu Pivalliatitsinimmi Ministeriujuk, Patricia Kemuksigak, kivatuttituinnaujuk Upper Lake Melville-imi, ilijausimagivuk ininganelaulatutsautillugu Ministeriujop Inositsiagittotitsinimmi, Inuillu Pivalliagutitsanginni tilijagusikkut Nunatsiavut AngajukKauniullutik katimajinginnut. Pigiasiniallunilu suliamminik kivatuttituinnaujumit Hopedale-imi, Greg Flowers-imit, manna nukKangajumit ânniasuttaugiaKannik pillugu.

### **Kaujisapviugiallasok:**

Bert Pomeroy  
Aulatsiji Kaujimatitsinimmi  
709 896-8582